

從駕。又上膠一分。使口濡以續弩弦。帝驚曰。異物也。乃使武士數人共對掣引之。終日不脫。如未續時也。膠色青如碧玉。吉光毛裘黃色。蓋神馬之類也。喪入水數日不沉。入火不焦。帝於是乃悟。厚謝使者而遣去。賜以牡桂乾姜等諸物。是西方國之所無者。又益思東方朔之遠見。周穆王時。西胡獻昆吾割玉刀。及夜光常滿盃。刀長一尺。盃受三升。刀切玉如切泥。盃是白玉之精。光明夜照。寘夕出盃於中庭。以向天。比明而水汁已滿於盃中也。汁甘而香美。斯實靈之器。並是西海中所有也。

### 聚窟洲

聚窟洲在西海中申未之地方三千里。北接崑崙山二十六萬里。去東岸二十四萬里。上多真仙靈官宮第。比門不可勝數。及有獅子。辟邪。鑿齒。天鹿。長牙。銅頭。鉄額之獸。洲上有大山形似人鳥之象。因名之為人鳥山。山多大樹與楓木相類。而花葉香聞數百里。名為反菟樹。扣其樹。

亦能自作聲。聲如群牛吼。聞之者皆心震神駭。伐其木根。心於玉釜中。煮取汁。更微火煎。如黑錫狀。令可丸之。名曰驚精香。或名之為震靈。或名之為反生香。或名之為震檀香。或名之為人鳥精。或名之為却死香。一種六名。斯靈物也。香氣聞數百里。死者在地。聞香氣。乃活。不復也。以香薰死人。更加神驗。延和二年。定西胡月支國。王遣使獻香。四兩。大雀卵。如椽椹。帝以香非中國所有。以付外庫。又獻猛獸一頭。形如五。大。大似狸。而色黃。命

國使將入。呈帝見之。使者抱之。似犬羸。細禿。悴。尤怪其之非也。問使者。此小物可弄。何謂猛獸。使者對曰。夫威加百禽者。不必繫之。以大小。是以神麟。故為巨象之王。鸞鳳。必為大鵬之宗。百足之蟲。制於螭蛇。亦不在於巨細也。臣國去此三十萬里。國有常占東風。入律。百旬不休。青雲干呂。連月不散者。當知中國時有好道之君。我王固將賤百家而貴道儒。薄金玉而厚靈物也。故搜竒蘊而貢神香。步天林而請猛獸。乘毛車而濟弱淵。策驥足以度飛沙。契闊途遙。辛勞蹊

路于今已十三年矣。神香起天，殘之死疾。猛獸却百邪之魅鬼。夫此二物，實濟衆生之至要。助政化之昇平。豈圖陛下反不知真乎。是臣國占風之謬矣。今日仰鑒天姿，亦乃非有道之君也。眼多視則貪色。口多言則犯難。身多動則淫賊。心多飾則奢侈。未有用此四者而成天下之治也。武帝愆然不平。又問使者猛獸何方而伏。百禽食噉何物。膂力何比。其所生何鄉耶。使者曰：猛獸所出，或生崑崙，或生玄圃，或生聚窟，或生天路。其獸不窮。食氣飲露。解人言語。仁惠忠怒。

當其仁也。愛護蠢動。不犯虎豹。當其威也。一聲叫發。千人伏息。牛馬百物驚斷。絙繫武士。奄忽失其勢力。當其神也。立興風雲。吐嗽雨露。百邪迸走。蛟龍騰驚。處于太上之廐。役之元王。辟邪之長帥者也。靈香雖少。斯更生之神丸也。疫病災死者。將能起之。及聞氣者。即活也。芳又特甚。故難歌也。於是帝使使者令猛獸發聲。試德之。使者乃指獸命喚一聲。獸舐脣良久。忽叫如天。大雷霹靂。又兩目礮礮之交光。光朗衝天。良久乃止。常登時顛蹶。掩耳震動。不能自止。侍者及

武士虎賁皆失杖伏地。諸內外牛馬豕犬之屬皆絕絆離羣。駭放蕩。又許咸定。帝忌之。因此獸付上林苑。令虎食之。於是虎聞獸來相聚。屈積如死。虎伏獸入苑。經上虎頭。溺虎口。去十步已來。顧視虎。虎輒閉目。帝恨使者言不遜。欲收之。明日失使者及猛獸所在。遣使四出。討不知所止。到後元元年。長安城內。有虎。其死未三月者。帝試取月支神香燒之。於城內。其死未三月者皆活。芳氣經三月不歇。於是信知其神物也。乃更秘錄餘香。後一旦又失之。檢函封印如故。無

復香也。帝愈懊恨。恨不禮待於使者。益貴方朔之遺語。自愧求李君之不勤。慙衛叔卿於堦。遲矣。明年帝崩于五柞宮。己亡月支國人鳥山震。擅却死等香也。向使厚待使者。帝崩之時。何緣不得靈香之用耶。自合命殞矣。

### 滄海島

滄海島。在北海中。地方三千里。去岸二十一萬里。海四面繞島。各廣五千里。水皆蒼色。仙人謂之滄海也。島上俱是大山。積石至多。石象八石。石腦。石柱。英流。丹黃子。石膽之輩。百餘種。皆生

於島石。服之神仙長生。島中有紫石宮室。九老  
仙都所治。仙官數萬人。居焉。

方丈洲

方丈洲在東海中心。西南東北岸正等。方丈。方  
面各五千里。上專是群龍所聚。有金玉琉璃之  
宮。三天司命所治之處。群仙不欲昇天者。皆往  
此洲。受太玄生錄。仙家數十萬。耕田種芝草。課  
計頃畝。如種稻狀。亦有玉石泉。上有九源丈人  
宮。主領天下水神。及龍蛇巨鯨。陰精水獸之輩。

扶桑

扶桑在東海之東岸。直陸行登岸一萬里。東復  
有碧海。海廣狹。浩汗與東海等。水不鹹苦。正作  
碧色。甘香味美。扶桑在碧海之中。地方萬里。上  
有太帝宮。太真東王父所治。處地多林木。葉皆  
如桑。又有椹樹。長者數千丈。大二千餘圍。樹兩  
兩同根。偶生。更相依倚。是以名為扶桑。仙人食  
其椹。而一體皆作金光色。飛翔空玄。其樹雖大。  
其葉椹。故如中夏之桑也。但椹稀而色赤。九千  
歲一生實耳。味絕甘香美。地生紫金丸玉。如中  
夏之瓦石狀。真仙靈官變化萬萬端。蓋無常形。

亦有能分形為百身十丈者也。

### 蓬丘

蓬丘蓬萊山是也。對東海之東北岸。周迴五千里。外別有圓海。海繞山圓。海水正黑而謂之冥海也。無風而洪波百丈。不可得往來。上有九老丈人。九天真王宮。蓋太上真人所居。唯飛仙有能到其處耳。

### 崑崙

崑崙號曰崑陵。在西海之戌地。北海之亥地。去岸十三萬里。又有弱水周迴繞而山東南接積

石圃。西北接北戶之室。東北臨大活之井。西南至承淵之谷。北四角大山。寔崑崙之支輔也。積石圃南頭是王母告周穆王云。咸陽去此四十六萬里。山高平地三萬六千里。上有三角。方廣萬里。形似偃盆。下狹上廣。故名曰崑崙山。三角其一角正北。干辰之輝。名曰閼風巔。其一角正西。名曰玄圃堂。其一角正東。名曰崑崙宮。其一角有積金為天墉城。面方千里。城上安金臺五所。玉樓十二所。其北戶山承淵山。又有墉城金臺。玉樓相鮮如流精之闕。光碧玉之堂。瓊華之

室紫翠丹房。錦雲燭日。朱霞九光。西王母之所  
治也。真官仙靈之所宗。上通璿璣元氣。流布五  
常玉衡理九天。而調陰陽。品物群生。希奇特出。  
皆在於此。天人濟濟。不可具記。此乃天地之根  
紐。萬度之綱柄矣。是以太上名山。鼎於五方。鎮  
地理也。號天柱於珉城。象網輔也。諸百川極深。  
水靈居之。其陰難到。故治無常處。非如丘陵而  
可得論爾。乃天地設位。物象之宜。上聖觀方。緣  
形而著爾。乃處玄風於西極。坐王母於坤鄉。昆  
吾鎮於流澤。扶桑植於碧津。離合火生而光獸。

生於炎野。坎總衆陰。是以仙都宅于海島。良位  
名山。蓬上鎮於寅丑。巽體元氣。養巨木於長洲。  
高風鼓於群龍之位。暢靈符於瑕丘。至妙玄深。  
幽神難盡。真人隱宅。靈陵所在。六合之內。豈唯  
數處而已哉。此蓋舉其末爾。臣朔所見不博。未  
能宣通。王母及上元夫人。聖旨昔曾聞之。於得  
道者。說此十洲。大立靈阜。皆是真仙。隕墟神官  
所治。其餘山川萬端。並無覲者矣。其北海外。又  
有鐘山。在北海之子地。隔弱水之北。一萬九千  
里。高一萬三千里。上方七千里。周旋三萬里。自

生玉芝。及神草四十餘種。上有金臺玉闕。亦元氣之所舍。天帝君治處也。鍾山之南有平邪山。北有蛟龍山。西有勁草山。東有束木山。四山並鍾山之枝幹也。四山高鍾山三萬里。官城五所。如一登四面山下望。乃見鍾山爾。四面山乃天帝君之城域也。仙真之人。出入道經自一路。從平邪山東南入穴中。乃到鍾山北阿門外也。天帝君總九天之維。貴無比焉。山源周迴。具有四城之高。但當心有觀於崑崙也。昔禹洪水既畢。乃乘蹻車度弱水。而到此山。祠上帝於北阿歸。

大功於九天。又禹經諸五嶽。使工刻石。識其里數。高下。其字科斗書。非漢人所書。今丈尺里數。皆禹時書也。不但刻劇五岳。諸名山亦然。刻山之獨高處爾。今書是臣朔所具見。其王母所道諸靈數。禹所不履。唯書中夏之名山爾。臣先師谷希子者。太上真官也。昔授臣崑崙鍾山蓬萊山及神州真形圖。昔來入漢。留以寄知。故人此書。又尤重於嶽形圖矣。昔也。傳授年限正同爾。陛下好道思微。甄心內向天尊。下降。並傳授寶秘。臣朔區區亦何嫌惜而不止所有哉。然術家



幽其事。道法秘其師。術泄則事多疑。師顯則妙  
理散。願且勿宣臣之意也。  
武帝欣聞至說。明年遂復從受諸真形圖。常帶  
之肘後。八節當朝拜靈書。以書求度脫焉。朔謂  
滑稽逆知。預觀帝心。故弄萬乘。傲公侯。不可得  
而師友。不可得而喜怒。故武帝不能盡至理於  
此人矣。

增修埤雅廣要卷第五

增修埤雅廣要卷第六  
方國類  
交趾國

交趾南方之偉國也。國臨海。嘗並占城等國。以  
自益。島與諸國多畏之。國人立則交兩足趾。故  
名。即古交州也。其方甚炎。每一歲穀再稔。雖冬  
不緒衣。惟魯縞。客至則設檳榔。食頃而頰頰音  
紅。如飲醇酎。民性巧慧。他國殆不如也。歷代貢  
通中國。其俗審。以土置饅。中獻使者。卜休咎。受  
之則貢。不受則不貢也。有元陳剛中使其國。其

幽其事。道法秘其師。術泄則事多疑。師顯則妙  
理散。願且勿宣臣之意也。  
武帝欣聞至說。明年遂復從受諸真形圖。常帶  
之肘後。八節當朝拜靈書。以書求度脫焉。朔謂  
滑稽逆知。預觀帝心。故弄萬乘。傲公侯。不可得  
而師友。不可得而喜怒。故武帝不能盡至理於  
此人矣。

增修埤雅廣要卷第五

增修埤雅廣要卷第六  
方國類  
交趾國

交趾南方之偉國也。國臨海。嘗並占城等國。以  
自益。島與諸國多畏之。國人立則交兩足趾。故  
名。即古交州也。其方甚炎。每一歲穀再稔。雖冬  
不緒衣。惟魯縞。客至則設檳榔。食頃而頰頰音  
紅。如飲醇酎。民性巧慧。他國殆不如也。歷代貢  
通中國。其俗審。以土置饅。中獻使者。卜休咎。受  
之則貢。不受則不貢也。有元陳剛中使其國。其

館伴曰。交南之竹。截為器。可代甕。蓋亦卉中之  
臣擘也。中朝其有此乎。剛中曰。殆有甚焉。取行  
篋。窮葉以示。館人駭之。至今通貢不絕。

### 占城國

在海西南。自廣州發船。至諸蕃。惟占城為近。順  
風八日可達。國人多姓翁。廣舶到其國。即差蕃  
官。搯黑皮為策。書白字。抄物數。監盤上岸。十取  
其二外。聽交易。如有隱漏。籍沒入官。若民入山  
為虎所噬。或舟行被鱷魚之厄。其家指其狀詣  
王。王命國師作法。誦呪書符。投名死所。虎魚即

自投。赴請命殺之。若有欺詐。誣害之。訟官不能  
明。令競主過鱷魚潭。其負理者。魚即出食之。理  
直者。雖過十餘次。鱷魚自避去。宋時元掌入貢  
中國。今

大明奄有四海。諸蕃悉皆歸附矣。

### 賓童龍國

占城。占城選人作地主。出即騎象。或馬。打紅  
繖。從者百人。執盾。贊唱曰。亞僕音語也。以葉承飲  
食。椰子酒。每歲貢方物於占城。今羅漢中有賓  
頭盧尊者。蓋指此。今訛為童龍。佛書所謂王舍

城即此地也。人云目連舍基尚存。

登流眉國

屬真臘。選人作地主。王堆髻纏帛蔽形。每朝蕃主出座。名曰登場。衆蕃皆拜罷。同座交手抱兩膊為禮。如中國叉手也。

真臘國

舟行北風十日可到。天氣無寒。每嫁娶則男婦女舍。最可笑一事。國人生女至九歲。即請僧誦經作梵法。以手拈挑揀童身。取其紅點其額。其母亦用點額。喚為利市云。如此則其女他日嫁

人皆好歡洽。宜其室家。凡女滿十歲即嫁。其妻與客合。夫即喜。有說云。戎妻有姿色。且巧慧。故人暱云。國人犯盜則斬。手斷脚燒火印。印背點其額。犯罪至死則斬。或削木椽其尻。死令衆以當絞罪。蕃殺害唐人。即依蕃法償死。如唐人殺蕃至死。即童罰金。如無金則賣身取金贖之。

三佛齊國

自廣州發。取正南去。冬日乘北風半月。連夜至凌牙門。五日方入三佛齊國。以木作柵為城。

別無產物。國人俱姓蒲。習水陸戰。臨陣敢死。官兵服藥。刀箭皆不能傷。以此霸於諸國。前後每國王先用金鑄形質。以代其軀。運一室以金為器。皿供奉甚嚴。其金像器。皿各鑄誌。示後人勿毀。代代如此。近世有一王。見所積金身器頗多。竊之。則罪至死。儲之。則不敢開。盡載之。舟至大海。沉之。舊傳其國地面。忽然穴出生牛。數萬人。取食之。後用竹木室其穴。乃絕。屢入貢於中國。

### 單馬令國

唐時自其風帆十晝夜可到。其國無主。有地

主。宋朝慶元二年。進金三埕。金傘一柄。

### 佛囉安國

自凌牙蘇家風帆。四晝夜可到。亦可遵陸。有地主。亦係三佛齊。差來其國。有飛來銅佛二尊。名毘沙門王佛。內一尊有六臂。一尊有四臂。每年六月十五日。係佛生日。地人并唐人。迎引佛六尊出殿。至三日復回。其佛甚靈。如有外國賊。舡來劫奪佛殿珠寶。至港口。即風發。舡不得渡。多是就港口搶劫他人。往別國賣。每一人鬻金四兩。或五兩。如國內民妻與人。有姦。即罰所姦人。

金四五兩。還本人。却以妻嫁與之。

### 晏陀蠻國

自藍無里國去細蘭國。如風不順。飄至一所在地。名晏陀蠻。周圍七千里。人身如黑漆。能生食人。舡人不敢艤岸。山內無寸鐵。皆以琿渠蚌殼磨銛為刃。其上有聖跡。用渾金作床。承一死人。經代不朽。常有巨蛇衛護。其蛇毛長二尺。人不敢近。有一井。每歲兩次水溢。流入於海。所過沙石。經此水浸。皆成金。舊傳曾有舡舡壞。舡人扶木。飄至此山。潛以水筒成滿。乘木信風飄流。至南

毘國。以獻國王。試之。驗。遂發七舡。欲併收此山。未至。為惡風所吹。舡人至山。盡為山蠻所食。

### 大閩婆國

名重迹。盧離。前家。用風帆。八日。乃至。舊傳國王。係雷震石裂。有一人出。後立為王。其子孫尚存。人物舉措。一如莆家。龍產青鹽。係海潮入田。曝成顆粒。及產綿羊。鸚鵡。及真珠寶物之類。

### 大食弼琶羅國

無國主。有四座州。其餘皆是鄉村。本國不發舡。為無國主故也。惟阜宿土豪。更互主事。遇婚娶。

時。女家報約。取牝牛一隻有孕者。斷其尾為信。從斷牛尾日為許婚之期。候牛生犢時。始還男親。須要男家割人尾來女家。還元割牛尾期信。人尾。蓋男子陽物也。以為聘幣。至則女家喜。以鼓樂迎導。徇於街者七日。男乃入女舍婚合。是一家還親。則使男子絕命也。蓋風俗相尚。欲顯其婿之雄傑。如無此物。女家永不還親。其國俗自古而然。大抵無不長。各以豪強相尚。地產利物名駱駝鶴。身長六七尺。有翼能飛。但不甚高。且食離物并炙火。或燒赤熱銅與之食。生卵如

椰子。破之如甕。甕有聲。國人好獵。每三日一出。獵以藥箭射取獸物。

### 大食勿拔國

邊海天氣暖甚。出乳木樹。他國皆無其樹。逐日用刀斫樹皮取乳。或在樹上。或在地下。在樹自結透者為明乳。蕃人用琉璃瓶盛之。名曰瓶香。在地者名塌香。每歲春末有一等飛禽自天而降。不知出沒。白如絲鷓。大如家雀。肥甚而味極佳。每旦天明即四散飛泊。日出則絕不見影。國人張羅殺食之。惟春暮一月有之。交夏則絕。每

歲嘗有大魚死飄近岸。身長十餘丈。高二尺餘。國人不食。但剗其膏為油。多者二三百斤。肋骨作屋椽。脊骨作門扇。骨節可為臼。又有龍涎。全不知所出。忽見成塊。飄泊岸下。地人競爭貨買。

大食勿斯離國

秋時露降。朝陽採之。即成糖霜。真甘露也。有樹一年生如粟子。而長。冬口蒲虛。可採食之。次年再生。即名麻茶。澤沒石子也。明年又生粟子。是間歲方生沒石子。一根而異莖。亦可怪也。產麥每粒長三寸。葉每筒大五六尺。石榴每筒重

五六斤。桃子每箇重一斤。香椽每箇重二十斤。菜每根可重十餘斤。葉長三四尺。米麥皆開地窖之。經三四十年不壞。穿井百餘丈。乃獲見水。又產胡羊。高三尺餘。其尾如扇。每歲春時。割取脂二十餘斤。再縫合。仍生。不取則脹死。

麻囉奴國

野島賊居其上。若他國有舩飄落。則群起捉人。燒食。取人腦蓋為飲食器。父母死則召親戚槌鼓共食之。非人類也。

崑崙層期國



常有鵬飛則遮日。能食駱駝。有人拾得其翅。截其管作水桶。海島內有野人。身如漆。國人誘捉賣與蕃商作奴。

西天南尼華羅國

事佛教尊。牛屋壁皆塗牛糞以為潔。各家置壇。以牛糞塗。置花水。爇香供佛。蕃商到不得入屋。只坐門外。

天竺國

隸大秦國所立國主。悉由大秦國選擇。俗皆辮髮垂下兩鬚。以帛纏頭。衫袴皆皮。及國內取聖水。

能止風濤。蕃商以琉璃瓶盛之。若遇風濤以水灑之立止。

默伽國

古係荒郊。無人煙。因大食國祖師名蒲囉咩。自幼有異狀。長娶妻在荒野。生一男子。無水可洗。棄之地。母走尋水不獲。及回見其子。以脚擦地。湧出一泉水。清甚。此子立名司麻煙。砌成大井。逢旱不乾。泛海遇風濤。以此水灑之。則應手而上。

勿斯里國

屬白達國。節制其國。終歲不雨。國人有七八十  
歲不識雨者。止有一大江水。極清甘美。不知其  
源所出。遇其時水溢四十日。浸滿田疇。候水退  
而耕其田。管下有二州名甜野。亦近此江。兩三  
年間必有一老人自江水中出。髮鬢皓白。坐於  
水中石上。國人拜問吉凶。其人不語。若笑。則其  
年豐稔。若蹙額為悲狀。則必有饑疫。坐良久。復  
入水中。相傳古有聖人。祖葛尼建塔。頂上有鏡。  
如他國有兵舡來。其鏡先照見。

斯伽里野

近蘆眉國界。國有山。山上有深穴。四季出火。人  
相與扛昇大石。重五百斤。或千斤。拋放穴中。  
須臾自然爆出。皆碎如浮石。每五年一次。火從  
穴出。流轉至海邊。復回。所過林木皆不燒。遇石  
焚之如炭。

默伽臘國

有國王。海出珊瑚樹。國人採之。用縲縛十字木。  
將麻線亂絞在十字上。用石墜入水中。棹舡拖  
索。刮取其樹。古云鐵網取珊瑚。蓋此類也。

茶彌沙國

前後並無人到。惟古來有聖人。名徂葛尼。曾到其國。遂立文字。該載其國係太陽沒入之地。至晚日入。其聲極洪。於雷霆。國王每於城上用千人吹角。及鳴鑼打鼓。雜混日聲。不然。則小兒驚死也。

### 都播國

鐵勒之別種。分為三部。自相統攝。其俗結草為廬。無牛羊。不知耕稼。多百合。取以為糧。衣貂鹿之皮。貧者亦緝鳥羽為服。國無刑罰。偷盜者倍徵其贓。出神異錄

### 奇肱國

民能為飛車。從風遠行。湯時西風。又下奇肱人車。至於豫州界中。湯破其車。不以示民。後十年。東風復至。乃使乘車。還回其國。去玉門之西一萬里。出博物志

### 頓遜國

梁武帝時。貴方物。國在海島上。其俗人將死。親賓歌舞。送於郭外。有鳥如鵝。而色紅。飛來萬家人。避之。其鳥食肉盡。乃去。即燒骨。以沉海中。謂之鳥葬。窮神秘苑

骨利國

居回紇北方。瀚海之北。地出名馬。晝長夜短。日沒後天色正曛。煮羊一腓才熟。東方已曙。出神異錄

大食國

在西南二千里。有國山谷間樹枝上花生人首。如花不解語。人借問。惟笑而已。頻笑輒彫落。

乾陀國

音尸毘。王之倉庫為火所燒。蕩其中。有粳米。焦者。于今尚存。若服一粒。則終身不患瘡疾。同上

在林邑之東。南接訶陵國。西接迷黎國。種稻。每月一熟。有文字。即書于貝。多葉死者。乃以金釭貫於四肢。然後加以娑律膏。及檀沉龍腦。積薪燔之。出神異記

訶陵國

在真臘之南。豎木為城。造大屋。重閣。以椶皮覆之。以象牙為床。以柳花為酒。以手撮食。有毒。常人與之宿處。即生瘡。與之交會。即死。旋液着草木。即枯。出神異錄

孝億國

界周三千餘里。氣候常暖。冬不彫落。產羊馬。無  
駝牛。宜五穀。出金鐵。衣麻布。舉俗事妖。不識佛  
法。有妖祠三百餘所。每一日造食。一月食之。常  
喫宿食。西陽雜俎

### 懸渡國

烏耗西有懸渡國。山溪不通。唯引繩而渡。土人  
佃於石間。壘石為室。接手而飲。互相牽引。所謂  
猿引是也。同上

### 烏婁國

民有死罪。不立殺刑。唯徙空山。任其飲啄。事涉

疑似。以藥服之。清濁自驗。隨事輕重。即決。

出伽藍記

### 繳濮國

永昌郡南千五百里。有繳濮國。其人有尾。欲坐  
乃先穿地作穴。以安其尾。若邂逅誤折其尾。即  
死。出廣州記

### 撥拔力國

在西南海中。不識五穀。食肉而已。常針牛畜。取  
血和乳生飲。無衣。唯腰下用羊皮而掩之。西陽雜俎

### 于闐國

婦人袴衫束帶。走馬與丈夫無異。死者以火燒

收骨葬之上起浮圖。居喪者剪髮長四寸。出伽藍記

女人國

居東北海角。與奚部小如者部抵界。其國無男。每親井即生也。

訶條國

金遼山寺有鼉。眾僧飲食將盡。向石鼉作禮。則飲食悉具。西陽雜俎

道明國

人不著衣服。見著衣服者。即共笑之。俗無鹽鐵。以竹弩射。其國可食哉。

義渠國

秦之西有義渠國。其親戚死。則娶柴而焚之。薰屍於煙上。謂之登煙霞。事見墨子

貫胷國

在盛國之東。其人胷有竅。尊者去其衣。令卑者以物貫其胷。擡之。又有不死人在國之東。其人長壽不死。居圓丘。上有不死樹。赤泉食之。乃壽。

長臂國

在海之東。其人垂手至地。若有人在海中得布衣。兩袖長丈有餘。又有長脚人。常負長臂人入。

海捕魚。今之橈同轆人。蓋象此也。與長臂國相連。

下靈國

在海內。其人從膝下生毛。馬蹄善走。自鞭其脚。一日可行三百里。

聶耳國

在無腹國之東。其人虎文。兩手聶耳而行。耳長及頰。行則手捧之。

無脊國脊肚腸也

在北海外。為人無脊。穴居。死即埋之。其心不朽。二千歲乃復生之。

一臂國

在西海之北。其人一目一孔。一臂一脚。半體比肩。猶魚鳥相合。

三身國

在夏后啓之北。其人一首三身。

二首國

在鑿齒國之東。其人身二首。

無腹國

在深國國東。其人男女皆無。

柔利國

臺灣國家圖書館, NATIONAL CENTRAL LIBRARY, TAIWAN, R.O.C.

其人反膝曲足居上。一手一足。

交胫國

其人交胫。言脚胫曲戾相交也。

小人國

名曰聿。長九寸。海鶴吞之。

龍伯國

崑崙以北九萬里。龍伯國人。長三丈。萬八千歲。

乃死。類說

狗首國

契丹北有狗國。人身狗首。長毛不衣。語若狗嗅。

其妻皆人。能漢語。生男為狗。生女為人。自相婚嫁。穴居。食生妻。女食熟。有中國人至其國。妻使逃歸。以箸十餘隻。教其行十里。遺一隻。狗逐之。見家物必啣歸。則復去。再四則不及追矣。五代史

長鬚國

有士人漂海。落長鬚國。王以女妻之。有鬚數十根。蓋蝦國也。類說

烏衣國

王謝唐人居金陵。航海遇風。破船。附板抵一洲。見翁媪皆皂服。曰。吾主人郎也。引歸。明日見王。



王愛其才。以女妻之。謝問女曰。此烏衣國也。翼日。王召宴於寶墨殿。命賦詩。末章云。恨不此身生羽翼。女曰。何相譏也。王不說。遣回。某日。命取飛雲軒。令謝入其中。閉目少息。至家。惟見梁上雙燕。而不見軒。乃悞入烏衣國為燕子也。及燕歸。以詩繫燕足。與妻曰。悞入華胥夢裏來。主人終日苦憐才。雲軒一去無消息。淚灑東風幾百回。明春燕復來。妻繫詩云。昔日相逢真數合。今朝隔別是生離。來春總有相思字。三月天南無鴈飛。

鴈飛 據實

### 槐安國

淳于棼宅南有古槐。嘗醉卧其下。夢玄衣使曰。槐安王奉邀。往入大城。題曰大槐安國。傳呼曰。駙馬遠降。升廣殿。一人練服朱冠。令拜。王曰。奉賢尊命令。女瑤芳奉承。君子佳姬數千。奏樂執燭。金翠步障。至一門。曰。修儀宮。號金枝公主。儼若神仙。成禮日。洽。王曰。吾南柯郡政事不理。屈卿為守。勅有司具車馬錦綉。餞公主行。夫人戒子曰。淳于郎性剛嗜酒。為婦當柔順事之。至郡驅車省民風。郡大治。凡二十年。王賜爵邑。生男

五女二公主以疾卒。王請護喪赴國。王與夫人素服郊迎。葬于盤龍岡。有上表云：國有大恐，宗廟將壞。王使送生暫歸，遂寤。斜日未隱，因尋槐下穴，大可容榻，有蟻數斛，一人蟻素翼朱首，又窮一穴，直上南柯郡，蟻處其中，生感歎之。是夕風雨大作，明旦視之，群蟻不知所之。  
文類聚

### 高車國

單于王女甚美，置高臺上，有老狼守臺，遂為狼妻。生子，後遂為高車國。  
北史

異記類

### 華胥國

黃帝晝寢，夢遊華胥氏之國，既覺，怡然自得。天下大治，如華胥之國。  
列子

### 鈞天樂

秦繆公夢至帝所，觀鈞天廣樂。帝錫以策，秦遂昌。  
尹

趙簡子曰：我之帝所，與百神遊於鈞天廣樂。九奏萬舞。  
扁鵲傳

### 梯仙國

房州竹山縣陰隱容家，濬井千尺無水，工人不

覺至一國。題云梯仙國。初得道者送此修行。及出還房州。陰家已三世矣。工人自後莫知所在。  
博異記

### 廣寒府

天寶遺事。唐明皇遊月宮。見天府榜曰。廣寒清虛之府。見素娥十餘人。皓衣乘白鸞。舞於桂樹下。東方朔十洲記云。冬至後月養魄於廣寒宮。

### 小成都

圖經云。宋元嘉間。有樵夫於山左。見群鹿引弓將射之。有一窟所。之險絕。進入石穴。行數十步。

則豁然。平行。邑屋。連。阡陌。交通。問是何所。有人荅云。小成都。後更往尋之。不知所在。

### 華陽洞

李允川政和間。至和州游近郊。不覺墜穴中。黑如夜。稍進。漸明。見石池中。荷花爛熳。天日晃曜。有石碁局。聞誦經聲。不見人。已而忽至道旁。僧寺。問僧。乃滁州境也。已。逾七日。才一晝爾。其所至。乃華陽洞也。  
夷堅志

### 天台洞

在剡。漢明帝時。劉晨阮肇入山採藥。食盡。見桃

實食之身輕見一杯流出胡麻飯屑溪邊二女子笑曰劉阮二郎至矣便迎歸留半載求歸劉阮出洞口還鄉驗得七代子孫傳聞上祖入山不出二公復欲還女家尋山路不獲太康八年失二公所在。

朱明洞

蘿浮山有深洞幽邃旁達約數十里號朱明洞

武陵溪

晉大元中武陵漁人溪行忽逢桃花林窮林得一山從小口入行數十步土境平曠屋舍儼然

田池桑竹悉如外人見漁人大驚自云先世避秦亂來絕境問今何世乃不知有漢晉漁人辭去詣太守言即遣人隨往竟迷不得路

雙石廩

衡山有三峯極秀曰紫蓋曰石菌口芙蓉上有泉水飛瀑直下如練劉璘之好遊山澤採藥至岳深入忘反見有一澗水水南有二石菌一開一閉水深不得過遂反

九仙館

有誤墜洛中洞穴者見宮殿人物凡九處大羊

鬣有珠。其人取食之。出問張華。華曰。此九仙館也。大羊乃癡龍也。瑣言

增修埤雅廣要卷第六



臺灣國家圖書館, NATIONAL CENTRAL LIBRARY, TAIWAN, R.O.C.

增修埤雅廣要卷第十

人道門

人紀類

盤古

天地混沌如雞子。盤古生其中。神于天。聖于地。開目為晝。閉目為夜。萬八千歲。天地開闢。陽清為天。天日高一丈。陰濁為地。地日深一丈。盤古在其中。日長一丈。一元九變。而天極高。地極深。盤古極長。歷萬八千歲。天後左目為日。右目為月。吹為雷電。噓為風雨。腸為江河。血為淮瀆。骨

節為山岳毛髮為草木萬物自此分矣。

人極

人稷肇端自鰲極既判天地設位而人立乎其中參之而為三才。易曰立天之道曰陰與陽立地之道曰柔與剛立人之道曰仁與義蓋人與天地並其道流行於宇宙之間未嘗一日泯沒也。苟人道一日而不立則造化亦幾乎熄矣。開闢以來由伏羲以至於今上下四千餘年天地之所以高厚日月星辰之所以運行山岳河海之所以流峙亘古今而無弊者亦以人道立乎

其間實主張是官。是此所以能參天地贊化育而相為無窮者。則夫負陰抱陽戴天履地任三綱五常之寄以為人者其可忽諸。

太古

天皇氏以木德王歲起攝提無為而化。兄弟十人各一萬八千歲。地皇氏以火德王兄弟十人亦各一萬八千歲。人皇氏兄弟九人分長九州。凡百五十世合四萬五千六百年。人皇以後有曰有巢氏構木為巢食木實至燧人氏始鑽燧教人火食自伏羲畫八卦而文籍始生。

神農作耒耜而耕稼始立。黃帝造律曆而樂音始著。堯舜垂衣而禮制始明。凡此以上聖人所以開天地之經立生人之紀。使後之作者有所特循。施及百千萬世。綱理變常之道。皆由此而出也。

皇王

皇大也。從自王自始也。徐曰自從也。故為始也。今文省作皇大也。正也。光也。美也。謂皇之儀煌煌而莊盛也。皇之為言王也。王者天下所歸在也。董子曰古之造文者。三書而連其中。謂之王。

三者天地人也。參而通之者。孔子曰一貫三為王。故李陽冰曰王者之王。中一畫近上象王者則天之義。皇王者天下之大君也。凡生於窮壤之兩間者。莫非父天母地之子也。然繼承天地以統理萬物者。則大君也。夫大君者。握乾主坤。建中立極。窮神知化。致和體道。明則並於日月。幽則協於人神。化隆寰宇。澤被生靈。夫然後天地位焉。萬物育焉。若書所謂三皇五帝是也。

儒



儒之為言。柔也。奮柔體剛。克明道藝。由修身及家國。以至化成天下。而後已者也。故曰。儒原夫鴻儒教主。先聖素王。姓孔。名丘。字仲尼。聖躬之誕生也。魯襄公二十一年十一月庚子。是夕二龍繞室。五老降庭。母顏氏聞奏鈞天之樂。空中有聲云。天感生聖子。故降以和樂笙鏞之音。既誕而有文在其胸。曰。制作定世符。手握天文足履度字。眉有一十二彩。目有六十四理。身長九尺二寸。腰大十圍。凡四十九表。坐如龍蹲。立如鳳峙。望之如仆。就之如升。明並日月。道隆齊叙。

發龜龍銜負之秘。闡七政五緯之蘊。字義農軒皇之能。具堯舜周公之美。攝行相事。而四方則焉。巡振教鐸。而天下警焉。刪詩書。定禮樂。修春秋。繫周易。游六藝。門徒三千。博徒六萬。達者七十二人。昔先聖未誕之時。有麟吐御書於闕里。其文曰。水精之子。係周衰而素王。顏氏異之。以繡紱繫麟角。信宿而去。哀公十四年。西狩大野。叔孫氏車子。鋤商獲獸。有繫紱。訪於先聖。先聖歎曰。斯麟也。胡為來哉。吾道其窮矣夫。時方假魯史。寓王法。至此而閣筆焉。聖年七十有三。夢

奠兩楹之間。乃薨於魯城北泗上。哀公十七年。立廟於舊宅。置守陵廟百戶。弟子收其衣冠。琴瑟車書。以藏于廟。當時弟子及魯人往從家而家焉者。復百有餘室。因命其里曰孔里。歲時奉祀。永永相傳。子孫世襲公不絕。繼世而王者。累封聖號曰大成。至聖文宣王。是為古今文章之祖。歷代帝王之師。由是教覃海宇。化洽華夷。而生民倫彛之叙。永賴以安。春秋釋奠而無窮焉。

佛

佛之為言覺也。自利利他。自覺覺彼。普覺群生。

出諸迷途。而登覺岸者也。故曰佛。原夫人乘教主釋迦文佛之示現也。周昭王二十四年。四月八日生西竺刹利王家。母摩耶夫人。右脇而出。周行七步。地湧金蓮。自然捧足。分手指天指地。作獅子吼聲云。天上天下。惟吾獨尊。具三十二相。八十種好。既長。捨位出家。入雪山而證無上道果。開鹿苑而轉四諦法輪。壽年八十。住世四十有九。說五千四十八之妙典。開八萬四千之法門。化圜無邊。光騰無礙。恩覃無際。利及無央。為人天之導師。作四生之慈父。所謂天上天下。

無如佛。十方世界亦無比。末年告弟子摩訶迦  
葉曰。吾以清淨法眼。涅槃妙心。實相無相。微妙  
正法。今付於汝。汝當護持。并勅阿難。副貳傳化。  
無令斷絕。及欲涅槃。復告摩訶迦葉曰。吾將金  
縷僧伽梨衣。傳付於汝。轉授補處。至慈世尊出  
世。勿令朽壞。摩訶迦葉聞付囑已。頭面禮足曰。  
善哉善哉。我當依勅。恭順佛故。爾時世尊以涅  
槃故。告諸大衆。往于熙連河側。娑羅雙樹下。右  
脇累足。泊然宴寂。金棺從坐而舉。高七多羅樹。  
往返空中。二昧化火。自出荼毘。得舍利八斛四

斗。即穆王五十二年二月十五日也。自後千年。  
教始至中夏。漢明帝夜夢金人。身長丈六。項佩  
日輪。飛至殿庭。以問群臣。傳毅對曰。臣聞西方  
有神。其名曰佛。陛下所夢。將必是乎。乃遣中郎  
將蔡愔。博士王遵等。十有八人。西訪其道。果得  
其像及經。并沙門迦葉。摩騰竺法蘭二大士。以  
歸洛陽。由是其教大興。迄今緇檀崇奉。所有衆  
生。普率皈依。利其利而覺其覺者。殆將若涸河  
沙之不可筭矣。

僊

僊之為言遷也。含真體道。厭凡超俗。羽化而遷昇也。故曰僊原。夫玄風教主。太上老君。姓李。名耳。字伯陽。聖躬之降生也。記稱湯甲十七年。庚申。太上自太清常道境。乘太陽日精。化五色玄黃。大如彈丸。時玉女晝寢。流入口中吞之。而孕。懷八十一歲。至武丁九年。庚辰。玉女至李樹下。剖左腋誕生。而白首。號曰老子。因指其樹曰。此吾姓也。兩耳曼上而垂下。又名曰聃。按聖紀經云。太上老君。居太清境。乃元氣之祖宗。天地之根木。於至寂至虛之內。太初太始之先。推數御

運。布氣融精。開化天地。所歷成壞。不可量計。化身周遍。亦非筭數。紀極開闢之後。觀世代之澆淳。代為帝師。隨時施教。自三皇而下。咸崇奉焉。是謂天上天下道氣之內。皆老君之化。蓋百姓日而不知也。逮周為柱下史。孔子往問焉。為之語曰。良賈深藏。若虛。君子容貌。若愚。孔子退。謂人曰。既而駕青牛。至函谷關。有紫氣浮其上。關尹喜占其氣。而候之。為著道德五千言。抵西而邁。云往崑崙。莫知所終。後至唐武德中。晉州人吉善行者。於羊角山。見白衣老叟。呼曰。為吾語。

唐天子。吾為老君。乃唐祖也。高祖因立廟。高宗追尊。玄宗皇帝。明宗追尊聖祖。高上大道。金闕。玄元。天皇帝。宋真宗祥符間。奉上尊號曰太上老君。混元上德皇帝。

士

今夫士。群萃而州處。間燕則父與父言義。子與子言孝。其事君者言敬。其幼者言悌。少而習焉。其心安焉。不見異物而遷焉。是故其父兄之教。不肅而成。其子弟之學。不勞而能。夫是故士之子常為士。

工

今夫工。群萃而州處。安其四時。辨其功苦。權節其用。論比協材。旦暮從事。施於四方。以飭其子弟。相語以事。相示以巧。相陳以功。少而習焉。其心安焉。不見異物而遷焉。是故其父兄之教。不肅而成。其子弟之學。不勞而能。夫是故工之子常為工。

商

今夫商。群萃而州處。察其四時。而監其鄉之資。以知其市之賈。負任檐荷。服牛輶馬。以周四方。

以其所有。易其所無。市賤鬻貴。旦暮從事於此。以飭其子弟。相語以利。相示以貨。相陳以價。少而習焉。其心安焉。不見異物而遷焉。是故其父兄之教。不肅而成。其子弟之學。不勞而能。夫是故商之子常為商。

農

今夫農。群萃而州處。察其四時。權節其用。耒耜耨芟。及其寒也。擊草除田。從事於田野。脫衣就功。首戴茅蒲。身衣潑繡。霑體塗足。曝其髮膚。竭四支之勞。以從事於田野。少而習焉。其心安焉。

不見異物而遷焉。是故其父兄之教。不肅而成。其子弟之學。不勞而能。夫是故農之子常為農。

人性類

性理

人之性。仁。義。禮。智。四德具焉。其愛之理。則仁也。宜之理。則義也。序之理。則禮也。知之理。則智也。是四者。雖未形。而其理固根於此。則體實具於此矣。性之中。只有是四者。萬善皆管乎是焉。而所謂愛之理者。是乃天地生物之心。而其所由生者也。

心性

盡其心者知其性也。知其性則知天矣。言能盡其心。是知此性。知此性則知天也。蓋天者理之自然。人之所由以生者也。性者理之全體。而人之所以生者也。心則人之所以主於身。而具足理者也。天大無外。而性稟其全。故人之本心。其體廓然。亦無限量。惟其絀於形氣之私。滯於聞見之小。是以有所蔽而不盡。人然即事即物。窮究其理。至於一日會通貫徹。而無所遺焉。則有以全其本心廓然之體。而天之所以為性。

與天之所以為天者。皆不外乎此。而一以貫之矣。

性命

夫性命者。人物之所同得之理也。非惟已有是。人亦有是。非惟人有是。物亦有是。但所稟之差爾。性有善惡。命有吉凶。援之以性。配之以命。受氣有善惡。天無可以柰何。亦以吉凶之命配之。此定命也。能盡其性。然後知生無所得。則死無所喪矣。天所性者。通極於道。氣之昏明。不足以蔽之。天所命者。通極於性。遇之吉凶。不足以戕

之不免乎蔽之戕之者。未之學也。性通乎氣之外。命行乎氣之內。氣通內外。假有形而言爾。故思知人不可不知天。盡其性然後能至於命。知性知天則陰陽鬼神皆吾分內爾。天性在人。正猶水性之在冰。凝釋雖異。為物一也。受光有小大昏明。其照納不二也。

### 道德

天地間至尊者道。至貴者德而已矣。至難得者人。人而至難得者道德。有於身而已。求人至難得者有於身。非師友則不可得也。已循天下之

理之謂道。得天下之理之謂德。故曰易簡之善配至德。道者率性之謂德。之為言得也。行道而有得於心也。百順之謂福。至當之謂德。德乃福之基。福乃德之致。君子遵道而行。無入而非百順。然後能無方體。能無方體然後能無我。則與天地參矣。日新之謂盛德。過而不有不凝滯於心。知之細也。浩然無害。則天地合德。照無偏繫。則日月合明。天地同流。則四時合序。酬酢不倚。則鬼神合吉凶。天地合德。日月合明。然後能無方體。能無方體然後能無我。禮器則藏諸其身。



用無不利。禮運云者。語其達也。禮器云者。語其成也。達與成。體與用之道合。大人之事備矣。萬物皆備於我。言萬物皆有素於我也。反身而誠。謂行無不慊於心。則樂莫大焉。未能如玉。不足以成德。未能成德。不足以孚天下。修己以安人。修己而不安人。不行乎妻子。况可慎於天下。斯正己而不求於人。不須乎人之感者與。

魂魄

淮南子曰。天氣為魂。地氣為魄。氣於人生而不離。死而遊散者魂。聚成形質。雖死而不散者魄。

魂陽氣也。魄陰神也。左氏云。物生始化為魄。既生魄歸為魂。蓋魄者神也。陽也。氣也。魄者精也。陰也。形也。魄歸於天。體魄復于地。是謂氣血之精靈。身心之精爽也。白虎通云。魄者。汙也。猶汙行休也。魄者。迫也。猶迫迫著於人。是矣。

動植

凡物之初生氣。日至而滋息。物生既盈。氣日反而游散。至之謂神。以其伸也。反之為鬼。以其歸也。有息者根於天。不息者根於地。根於天者不滯於用。根於地者不滯於方。此動植之分也。夫

人之之生也。有先後。所以為天序。小大高下相並而相形焉。是謂天秩。天之生物也。有序。物之既形也。有秩。知序然後經正。知秩然後禮行。寤則形開而志交諸外也。夢則形閉而氣專乎內也。寤所以知新於耳目。夢所以緣舊於息心。斯寤夢之感之所以異也。

增修埤雅廣要卷第七

增修埤雅廣要卷第八

人道門

誕生類

感電繞樞生

黃帝。公孫姓。又曰姬姓。名軒轅。有熊國君。少典子也。母見大電繞北斗樞星。感而生帝。

感星流虹生

少昊母曰女節。有星如虹下流。女節意感而遂生少昊。上紀

感瑤光星生

人之之生也。有先後。所以為天序。小大高下。相並而相形焉。是謂天秩。天之生物也。有序。物之既形也。有秩。知序然後經正。知秩然後禮行。寤則形開而志交諸外也。夢則形閉而氣專乎內也。寤所以知新於耳目。夢所以緣舊於息心。斯寤夢之感之所以異也。

增修埤雅廣要卷第七

增修埤雅廣要卷第八

人道門

誕生類

感電繞樞生

黃帝。公孫姓。又曰姬姓。名軒轅。有熊國君。少典子也。母見大電繞北斗樞星。感而生帝。

感星流虹生

少昊母曰女節。有星如虹下流。女節意感而遂生少昊。上紀

感瑤光星生

高陽氏母曰景僕。為昌意正妃。謂之女樞。金天氏之末。有瑤光之星。貫月如虹。感女樞幽房之宮。遂生顓帝。

履巨人跡生

昔有郤氏女曰姜原。為帝嚳元妃。出野見巨人跡。心忻然踐之。而身動如孕者。居期而生子。以為不祥。棄之隘巷。馬牛過者皆避不踐。徒置之林中。適會山林多人遷之。又棄渠中冰上。飛鳥以翼覆之。姜原以為神。遂收養之。初欲棄之。因名曰棄。棄為兒時。屹如巨人之志。其遊戲好種。

樹麻菽。及為成人。遂好耕農。相地之宜。宜穀者稼穡焉。民皆則之。帝立閭之。舉以為農師。天下得其利。有功。封於郟。號曰后稷。是為周之祖也。

吞玄鳥卵生

初帝嚳次妃簡狄浴于川。見玄鳥墮卵。而吞之。遂生契。契事唐虞為司徒。教民有功。封於商。賜姓子。是為黃帝之後。成湯之祖也。

指李樹生

老子母至李樹下。而生老子。生而能言。指李樹曰。以此為我姓。故後世之李姓者。皆原于此也。

聞鈞天樂生

先聖之生也。母顏氏之房。聞奏鈞天之樂。空中有聲云。天感生聖子。故降以和樂笙鏞之音。按神記

空桑中生

列仙傳。伊尹母居伊水之上。既孕。夢神人告曰。日出水而東走。明日視日出水。東走十里而顧。邑盡為水。身化為空桑。有莘氏女採桑得嬰兒。於桑中。命曰伊尹。獻其君。令庖人養之。是為湯相。

感蛟龍生

漢祖高皇帝。堯之後。姓劉氏。名邦。字季。沛豐邑中陽里人也。母媪息大澤之陂。夢與神遇。時大雷雨晦冥。父太公往見蛟龍其上。已而幸高祖。隆準而龍顏。美鬚髯。左股有七十二黑子。寬一愛人意。豁如也。

娠十四月生

孝昭皇帝。名弗。陵母鈞。弋夫人趙氏。娠十四月而生。武帝命其曰堯母門。

感嘉禾生

世祖光武皇帝。名秀。字文叔。長沙定王發之後也。生於南頓。有赤光照室。影如五麟七鳳。嘉禾一莖九穗之瑞。故名。先是有望氣者。望舂陵曰。氣佳哉。鬱鬱葱葱然。

輜輶降生

北史武帝諱詰。汾寧畋山澤。見輜輶自天而下。既至。見美婦人。自稱天女。受命相偶。旦日請還。曰。暮年復會于此。言終引去。及恭帝至先處。果見天女。以所生之男。授帝曰。此君之子也。當出為帝王。語訖而去。即始祖神元皇帝也。故時人為帝王語訖而去。即始祖神元皇帝也。故時人

諺曰。詰汾皇帝無歸家。力微皇帝無舅家。力微神元無諱。

感蒲花生

梁高祖武皇帝。姓蕭氏。名衍。齊之疎族也。母張氏。見菖蒲生花。傍人皆不見。吞之。已而生衍。

感星珠生

桓玄母夜坐。見一流星墜銅盆水中。忽如二寸光珠。取吞之。孕生玄。

感日先生

高麗之先夫餘王。嘗得河伯女。因閉於室。為日

光隨而照之感而遂孕。生一泰卵。五升大。有一男子破殼而生。名曰朱蒙。

胎孕卵生

徐君宮人有孕。生卵弃之。有大蒼頡啣卵歸。母腹煖之。生兒。宮人取為己子。是為偃王。

盤瓠中生

高辛氏宮中老婦人耳疾。挑之有物如繭。以瓠盛之。以盤覆之。有頃化為犬。文五色。因名盤瓠。搜神記有犬戎之寇。募能得其將吳將軍者。妻以女。瓠犬俄啣人頭詣闕下。乃吳將軍首也。

帝大喜。欲報之。事未知所宜。女聞帝下令。不可違信。因請行。帝不得已。以女妻之。瓠犬負入南山石室中。三年生六男六女。其母復以狀白帝。於是迎諸子。言語侏离。帝賜以名山大澤。其後滋蔓長沙武陵蠻。是也。

林檎癭生

黎陽人王德祖家。林檎樹生癭。大如斗。癭爛。一孩兒抱胎而出。七歲能語。因名梵天。後改曰志蓋。菩薩示化也。

藉鷹巢生

寶誌大士即誌公。金陵東陽朱氏婦聞鷹巢兒啼。梯樹得之。養為子。七歲依鍾山僧出家。齊永明中忽着三頂布帽。未幾齊武帝崩。惠文太子豫章相繼殂。年九十三入滅。建塔於鍾山。

虞鶴胎生

揚億祖文逸為偽唐王山令。億將生。文逸夢一道士。自稱懷玉山人。未幾億生。有紫毛被。体上尺餘。經月乃落。又本朝名臣傳云。母章氏始生億。夢羽衣人。自言武高君托化。既誕。則一鶴雛。盡室驚駭。貯而弃之。江其叔父口。吾聞閻世之

感井水生

人。其生必異。追至江濱。開視。則鶴蛻嬰兒具焉。体猶有紫毳尺餘。既月乃落。

感赤蛇生

白州雙角山下梁氏女有容貌。石季倫以珍珠三斛買之。飲此井水者。誕女多美。閭里以羨色無益。以巨石鎮之。邇後雖生女。端嚴形体不完。

南唐李昇本徐氏為安吉令。先是其家有梨。一實大如升。其父異之。因會隣里將共食。剖之。有赤蛇在實中。俄而蛇走。毋榻下。無所見。未幾母



孕生知誥。

感赤虬卒

李義山作李賀小傳云。長吉卒。時忽畫見一緋衣人。駕赤虬。持一版書。若太古篆。或霹靂石文者。云當召長吉。長吉了不能讀。歎下榻叩頭言。阿彌若且病。賀不願去。緋衣人笑曰。帝成白玉樓。立召君為記。天上差樂不苦也。長吉獨泣。傍人盡見之。少頃氣絕。

宿生類

真宗前身來和天尊

真宗皇帝初名元侃。封襄王。有舉人楊礪。嘗夢至一殿。有坐殿上者。語之曰。我非汝主。來和天尊汝主也。指示令謁之。礪後進士第一。入為襄王府記室。既謁。如夢中所見。太宗嘗遣相者詣襄王。及門而返。曰。王門廝役。皆將相也。王可知矣。

仁宗前身赤脚大仙

仁宗皇帝名禎。母李氏。章獻明肅劉皇后子之。真宗得皇子已晚。始生。晝夜啼不止。有道人言。能止兒啼。召入。則曰。莫叫莫叫。何以當初莫笑。

啼即止。蓋謂真宗嘗籲上帝祈嗣。問羣仙誰當往者。皆不應。獨赤脚大仙一笑。遂命降為真宗子。在宮中好赤脚。其驗也。

徽宗前身大羅天子  
欽宗前身玉堂天子

宋二帝之北巡也。露處野宿。嬪御皆班荆於輦下。一夕衆寢方熟。少帝忽聞兩人相與語。其一。人問曰。南朝天子北遊。有因果否。一人答曰。有。况今大帝舊是大羅天子。只因聽天主講經。生怠慢心。降為人間天子。又毀僧滅佛。是以有萬

里之行。少帝乃玉堂天子。亦因怠心。未免酬馬足報後。復還故處。詰朝視之。其地乃廢寺也。

高宗前身越王錢鏐

宋康王名構。徽宗第九子也。母常氏。徽宗夢吳越王引御衣云。我好來朝。便留住我。終須還我山河。待教第三子來。既而復夢金甲神人。自稱錢武肅王。即錢鏐也。方其入室。已而生構。二帝北巡不返。王嗣為帝。喪太子勇。命選太祖之後。得伯琮。是為孝宗皇帝。斯亦酬封黃袂章疏之驗也歟。

孝宗前身崔府君

孝宗皇帝初名伯琮。宗室追封秀王。謚安僖王。爾之子。太祖七世孫也。母張氏夢崔府君。擁一羊來。曰。以此為識。高宗為康王出使至磁州。磁人夢崔府君出迎。張氏以是歲丁未生伯琮於秀州。有嘉禾之瑞。小名羊。高宗喪太子勇。命選太祖之後得伯琮。鞠宮中。賜名瑗。音適與崔府君名同。封普安郡王。秦檜疾其英明而不能害也。竟立為皇子。賜名瑛。封楚王。

度宗前身沙彌

宋祚之將終也。有道籙伏章云。至天避見諭一沙彌曰。與汝十年天子。降為度宗。及十年數終。帝大漸。道籙曰。天命不可為也。

侯景前身東昏侯

初侯景母夢東昏侯而生。是日誌公侍武帝坐。忽顰蹙曰。陛下冤敵生矣。帝默然。及景叛。魏以州來奔。羣臣諫皆不聽。帝強納之曰。我國家如金甌相似。孰能壞耶。後景兵竟逼臺城。帝口苦。索蜜不至。荷荷而崩。

蕭譽前身許玄度

公河東濟縣人。登進士甲科。應賢良方正。官至平章事。先世名許玄度。建越州塔。未終而化。後託梁武之孫。姓蕭。名譽。音蔡。因訪曇彥禪師。為入定觀。明其宿因。師云。許玄度來何暮。昔日浮圖。今如故。後衆請師修龍興大殿。師云。非吾所為。三百年後。自有非衣功德主。遂銘之。至唐三生。為裴休。果如其言。

曾參後身王曾

王曾字孝先。益都人。父嘗惜故紙字。夢元聖携一童至其家。曰。汝惜吾字。今遣曾參為汝子。及

誕。遂銘之。既長。就學。發解南省廷試。皆為首冠。或戲之曰。狀元試三場。一生喫著不盡。公曰。曾平之志。不在溫飽。平謚文正。

蔡邕前身張衡

後張衡死日。蔡邕母始懷孕。二人才貌甚類人。云邕是張衡後身。

鄧禹後身范祖禹

范祖禹父夢丈夫被金甲至寢。曰。吾漢將軍鄧禹也。祖禹生。公遂以名。初字夢得。溫公以傳稱禹篤行厚備。改字淳夫。

李白後身郭祥正

郭祥正母夢李太白而生祥正少有詩名梅堯臣曰天才如此真太白後身也。

羊祜前身李家兒

晉羊祜字叔子年五歲令乳母取金環乳母曰汝無此物祜訪隣人李氏東園桑樹中探得之主人驚曰此吾亡兒所失之物乳母具言之李氏悲惋時人異之謂李氏子即祜之前身也。

裴休後身于闐王子

唐宰相裴休留心釋氏精於禪律自言曰不為

俗情所染可以說法為人每發願世世為國家弘護佛法後于闐國王生一子手文有裴休二字聞于中朝其子弟欲迎之彼國不允而止。

房瑄前身永禪師

宰相房瑄廬真人邢和璞同至一廢寺竹間廬以杖扣地令掘之得瓦瓶中皆婁師德與永公書謂瑄曰省此乎瑄灑然悟其為智永後身也。

東坡前身介禪師

宋五祖玠禪師一目眇見影而悟一日道捨一女童畜之及長獻茶有動于中座元忽厲聲云。

方丈火率衆往救之。及至師已坐逝。座元曰。此老再來。將壞吾教。隨亦遷化。易身為佛印師。特眉山蘇老泉夢一眇目僧至宅。乃玠師也。是夕生子瞻。號東坡居士。與印師為方外交。語多究竟。遂成宿昔之好。

### 歸宗後身郭宣

歸宗宣禪師。漢州人。瑯琊廣照之嗣。與郭公甫厚善。忽一日南康守以事臨之。宣令人馳書與功甫。且祝送書者云。莫令縣君見。功甫時任南昌尉。書云。某更有六年世緣未盡。今日不柰抑

逼何。欲託生君家。望君相照。乃化去。功甫得書。驚喜盈懷。中夜其妻夢寐。髮鬢見宣入卧內。不覺失聲云。此不是和尚來處。功甫問其故。妻荅曰。所見功甫呼燈。以宣書示之。果有娠。及生。即名宣。老纔周歲。記問如昔。

### 圓澤後身牧豎

李源與僧圓澤為友。同至三峽。見一孕婦。錦襠負鬕音英而汲。圓澤曰。此某托身之所也。後十二年。杭州相見。是夕卒。而婦人生一子。源如期至天竺。忽聞川畔有牧童。隔水呼源。乃圓澤也。歌